

MEMORANTAMO KA MAIKEMIŠETŠO A PHETOŠO YA MOLAOKAKANYWA WA TEKOLO YA DITŠHELE TŠA SETŠHABA, 2018

1. MATSENO

1.1 Molao wa Tekolo ya Ditšhelete tša Setšhaba wa 2004 (Molao wa. 25 wa 2004) (woo ka morago o tlogo bitšwa gore ke “Molao wo mogolo”), o phethagatša karolo ya 188 le ya 189 ya Molaotheo wa Rephabliki ya Afrika Borwa, wa 1996 (“Molaotheo”) ka go hloma le go fa Molekodi-Pharephare mešomo ye megolo ya go lekola ditšhelete. Ge go eleletšwa ka dikabelo tšeo di lego ka go Molaotheo, o bale le Molao wo mogolo, Molekodi-Pharephare o ipshina kudu ka go ikema ka noši, moo go mo fago tokologo ya go kgetha ditsela tše kaonekaone tša go phethagatša taelo ya gagwe ya semolaotheo.

1.2 Le ge go le bjalo, Molao wo mogolo ga o fe Molekodi-Pharephare taolo ya go phethagatša dikakanyo tša wona go nyakišiša ditlamorago tša tekolo ya ditšhelete yeo e sa kgahlego goba go dira gore ditšhelete tšeo di lahlegetšego Mmušo di lefelwe. Ka tsela ye, Molekodi-Pharephare o laolwa ke khuduthamaga go phethagatša dikakanyo tše.

1.3 Mengwageng ye 13 yeo e fetilego mola Molao wo mogolo o thomago go phethagatšwa, maitekelo a Molekodi-Pharephare a gore ditlamorago tša maemo a mabe a ditšhelete le taolo ya phethagatšo ka dipego tša gona tša ditšhelete di ile tša buna dipoelo tše kaone. Ngwaga ka ngwaga, Molekodi-Pharephare o bega ka bogolo bja go šiiša bja tšhomišo ya tšhelete yeo e sa dumelelwago, yeo e sa lekelelanagego, ebile mo go sa hlokagalego gammogo le go e senya.

2. MAIKEMIŠETŠO AMOLAOKAKANYWA

Bjalo ka ge morero wa Phetošo ya Molaokakanywa wa Tekolo ya Ditšhelete tša Setšhaba, wa 2018 (woo ka morago o tlogo bitšwa gore ke “Molaokakanywa”), e le go fetša Molao wo mogolo gore, *magareng ga tše dingwe*, o fe tlaleletšo ya mešomo ya Molekodi Pharephare go dira gore ditšhelete tšeo di ilego tša lahlegelwa ke Mmušo gammogo le go iša ditlamorago tša tekolo yeo e sa kgahlego ya ditšhelete dinyakišišong; go laetša taelo ya Molekodi-Pharephare gabotse le go phethagatša mošomo wa tekolo ya boditšhabatšhaba ya ditšhelete gammogo le go sepetša phethagatšo ya tekolo ya ditšhelete, gape le gore pušo ya Molekodi-Pharephare e sepelelane le dipekakanyo tša phethagatšo ya bjale e kaone.

3. DITENG TŠA MOLAOKAKANYWA

3.1 Tlelose ya 1 ya Molaokakanywa e tsenya ditlhathollo tše mpsha ka go Molao wo mogolo.

3.2 Tlelose ya 2 ya Molaokakanywa e tsenya karolwana ye mpsha ya (3A) ka go karolo ya 4 ya Molao wo mogolo woo o matlafatašgo Molekodi-Pharephare go bea lenaneo leo a ka le šomišago ge a phethagatša boithatelo bja go tšea sephetho ge a phethagatša tokologo ya go tšea sephetho sa tekolo ya ditšhelete tšeo go bolelwago ka tšona ka go karolo ya 4(3) ya Molao wo mogolo. Tlelose ya 2 ya Molaokakanywa gape e fetša karolo ya 4(4) ya Molao wo mogolo e lego go fa Molekodi-Pharephare tokologo ya go tšea sephetho ka ntle ga molao ofe goba ofe woo o lego kgahlano le wona.

3.3 Tlelose ya 3 ya Molaokakanywa e fetša karolo ya 5 ka go fa tlaleletšo ya mešomo ya Molekodi-Pharephare.

Tlelose ya 3 e fetša karolo 5(1) ya Molao wo mogolo ka go tsenya dikabelo tšeo di laelago Molekodi-Pharephare gore a sepetše phethagatšo

ya tekolo ya dipuku tša mašeleng le go aba tekolo le ditirelo tšeo di amanago le tekolo go mekgatlo ya boditšhabatšhaba, ditho goba mekgatlo ge e le gore go na le mabaka ao a kgotsofatšwago.

Tlelose ya 3 gape e tsenya dikarolwana tše mpsha tša (1A) le (1B) ka go karolo ya 5 ya Molao wo mogolo. Karolwana ye mpsha ya (1A) e matlafatša Molekodi-Pharephare gore a iše ditlamorago tšeo di sa kgahlego tša tekolo go setho seo se swanetšego go dira dinyakišišo. Karolwana ye mpsha ya (1B) e matlafatša Molekodi-Pharephare gore a lefiše moofisiri yoo maikarabelo a lego go yena, baofisiri bao maikarabelo a lego go bona, bolaodi bja bole Kodi, go eya le mabaka gore ke mang goba bomang ba hlotšego tshenyegelo efe goba efe yeo Mmušo o bilego le yona ge go se na tlhathollo yeo e kgotsofatšago ya gore ke ka lebaka la eng tšhelete e se ya lefelwa.

Godimo ga moo, Tlelose ya 3 e fetiša karolo ya 5(2) ya Molao wo mogolo ka gore go hlongwe gape go be le mešomo ya komiti ya putseletšo.

3.4 Tlelose ya 4 ya Molaokakanywa e fetiša karolo ya 7(1A) ya Molao wo mogolo ka gore Khomišene yeo e Ikemego ge e eleletša ka putseletšo ya Molekodi-Pharephare, e swanetše go rerišana le komiti ye mpsha ya putseletšo yeo e sa tšwago go hlongwa.

3.5 Tlelose ya 5 ya Molaokakanywa e fetiša karolo ya 10 ya Molao wo mogolo ka gore Molekodi-Pharephare o swanetše gore bjale a romele dipego ka phethagatšo ya tekolo ya ditšhelete le tekolo ya boditšhabatšhaba, tšeo di ka gore bjale tša sepetša, tša romela dipego ka taba efe goba efe yeo e išitšwego pele ga setho seo se swanetšego gore e nyakišišwe, a romele dipego ka ditifikeiti tšeo di ntšhitšwego gore go lefelwe ditšhelete tšeo di lahlegilego gape le ditaba tša ditšhelete tšeo di

lefetšwego, gape le ditšhelete tšeo di tiposilwego ka go Sekhwama sa Letseno la Bosetšhaba le Sekhwama sa Letseno la Profense.

3.6 Tlelose ya 6 ya Molaokakanywa e fetoša karolo ya 20(2) ya Molao wo mogolo go lekola diteng tša pego ya tekolo ya ditšhelete ka leswa go ya ka ditatamente tša ditšhelete.

3.7 Tlelose ya 7 ya Molaokakanywa e fetoša karolo ya 23 ya Molao wo mogolo ka gore go be le tumelano ya bogolo bja bokaa goba peresente ya ditefelo tša go lekola tša mašelang tšeo di tla go abja go tšwa go bouto ya Letlotlo la Bosetšhaba.

3.8 Tlelose ya 8 ya Molaokakanywa e fetoša karolo ya 34 ya Molao wo mogolo gore Molekodi-Pharephare o swanetše go lekola ge e le gore putseletšo le ditshwanelo ke tša maleba, gammogo le dikholego tša bašomi, le go eleletša ka tšeo di akantšwego ke komiti ya go putseletša.

3.9 Tlelose ya 9 ya Molaokakanywa e fetoša karolo ya 40(1) ya Molao wo mogolo gore Molekodi-Pharephare, sebakeng sa MotlatšaMolekodi-Pharephare, o swanetše go hloma le go thwala maloko a komiti ya go lekola tša mašelang.

3.10 Tlelose ya 10 ya Molaokakanywa e fetoša karolo ya 52 ya Molao wo mogolo ka go hlatholla magoro a melawana yeo e swanetšego go thewa ke Molekodi-Pharephare.

3.11 Tlelose ya 11 e re go be le kopanafatšo le tšatšikgweni ya go thoma.

4. KA MOO SEHLONGWA LE BAŠOMI BA GONA BA AMEGAGO KA GONA

Go akantšwe gore go tla nyakega gore go thwalwe tlalaletšo ya baofisi ba bararo go phethagatša mešomo ya tlalaletšo.

5. KA MOO MMUŠO O AMEGAGO KA GONA KA MAŠELENG

Kakanyetšo ya theko ya go phethagatša tlalaletšo ya maatla a Molekodi-Pharephare e akanyeditšwe go ba R33 956 979 ka ngwaga lebaka la mengwaga ye meraro ya mathomo ya ditšhelete mola Molaokakanywa o thomago. Palo ye e tla lekanyetšwa ge ditshepetšo tše mpsha di golela pele ge matšatši a eya pele. Diphetogo tšeo di šaletšego ga di bitše mašelang go Mmušo.

6. DIKGORO, DITHO GOBA BATHO BAO GO DIRILWEGO DITHERIŠANO

LE BONA

Go rerišanwe le batšeakarolo bao ba latelago:

- Molekodi-Pharephare;
- Letlotlo la Bosetšhaba

7. TSHEPETŠO YA PALAMENTE

7.1 Komiti e šišinya gore go swaraganwe le Molaokakanywa go ya ka tshepetšo yeo e hlomilwego ke karolo ya 75 ya Molaotheo ka ge e se na le dikabelo tšeo go laetšwago ditshepetšo tšeo di lego gona ka go karolo ya 74 goba ya 76 ya Molaotheo bjalo ka ge o phethagatšwa.

7.2 Komiti e kwana le taba ya gore ga go bohlokwa go iša Molaokakanywa wo go Ngwako wa Bosetšhaba wa Baetapele ba Setšo go ya ka karolo ya 18(1)(a) ya Molao wa Boetapele bja Setšo le Sebopego sa Pušo, wa 2003 (Molao wa. 41 wa 2003), bjale

ka ge o se na le dikabelo tšeo di amanago le molao wa setšo goba ditšo tša batho ba setšo.